

## **Izvještaj sa posjete Sajmovima u 2010.g**

Privredna komora Brčko distrikta BiH je u 2010 godini u saradnji sa Vladom Brčko distrikta, Odjeljenjem za privredni razvoj, organizovala nastupe privrede Brčko distrikta na slijedeći Sajmovima:

### **1. 13. Proljetni međunarodni bjelovarski Sajam privrede, poljoprivrede i obrta održan u Bjelovaru u R.Hrvatskoj od 26-28.03.2010.godine**

Odlična kombinacija nastupa Vlade, Privredne komore uz učešće KUD-a ostavio je snažan utisak na domaćine i sve prisutne i mislim da je ovo pravi način našeg predstavljanja i na ostalim Sajmovima.

Ovako organizovan odlazak na Sajam u Bjelovar postigao je odličan efekat u smislu našeg predstavljanja, jer je to bio dobar rezultat za odziv privrednika Bjelovara na sajmu privrede u Brčkom. Slabost našeg nastupa se ogledala u brojčano skromnoj delegaciji koja nas je dostojanstveno predstavila, oskudnom reklamnom materijalu i nemanju odgovarajućih poklona, koji bi se u ime Vlade, Privredne komore i Sajma Brčko trebali uručiti domaćinu i predstavnicima Vlade R. Hrvatske. Bez obzira na ove nedostatke, iste smo nadomjestili odgovarajućim sadržajima iz vlastite režije i domaćom rakijom i na kraju se ipak dostojanstveno zajednički predstavili javnosti u R.Hrvatskoj.

### **2. Sajam preduzetništva i obrat GRAPOS-EXPO održan od 07-10. 4.2010.g u Gračanici**

Organizovan odlazak na Sajam u Gračanicu Vlade i Privredne komore Brčko i firmi koje su se predstavile, dobar je način animiranja i predstavljanja privrednika Brčko distrikta našem okruženju. Skromna brojčana delegacija koja nas je predstavljala uz nedostatak odgovarajućeg reklamnog materijala dostojanstveno je obavila svoju misiju.

### **3. 13. Mostarski Sajma privrede održan je 13-18.04.2010.g**

Na prostoru oko 20m<sup>2</sup>, učešće na mostarskom sajmu uzela je i Privredna komora Brčko distrikta BiH sa privrednicima sa prostora Distrikta.

Učešće na Sajmu u Mostaru cijenimo veoma korisnim i bitnim iskustvom za oraganizaciju našeg Sajma u decembru mjesecu.

### **4. 8. Lukavački sajam turizma „LIST” održava se od 06-08.05.2010.g**

Na ovom Sajmu, a u vidu kompenzacije sajamskog prostora, Privredna komora je zakupila 10.5m<sup>2</sup> izlagačkog štand prostora. Kako nije bilo mogućnosti ispoštovati učešće Privredne komore na ovom Sajmu sve dane njegovog trajanja, zbog nedostatka finansijskih sredstava i propagandnog materijala, predstavnici Privredne komore su obavili posjetu ovom Sajmu na dva dana, te uspostavili kontakte sa tamo prisutnim izlagačima.

### **5. Međunarodni Sajam poljoprivrede i prehrambene industrije „Agros” Banja Luka održan je od 08-12.09.2010.g**

Privredna komora je u vidu kompenzacije na prostoru od 15m<sup>2</sup> zakupila i predstavila firme, svoje članove. Obavljeni su kontakti sa predstavnicima firmi izlagača i ponuđeni materijali za učešće na 9. Međunarodnom Sajmu privrede u organizaciji Privredne komore. Boravak na Sajmu je trajao tri dana.

**5. 37. Međunarodni sajam poljoprivrede i prehrambene industrije-Sajam šljive Gradačac je održan od 15-18.09.2010.g**

Privredna komora je zakupila 14m<sup>2</sup> i okupila zainteresovane privrednike za učešće na ovom Sajmu. Pored Privredne komore i Vlade Brčko distrikta na štandu su bile prisutne firme Briž, Bosnaplod, Biljana, Voćar, Maočanka-commerce itd.

U četiri dana njegovog trajanja, Sajam je posjetio veliki broj posjetilaca iz BiH i okoline. Na Sajmu su obavljani mnogi kontakti sa privrednicima i posjeta Sajmu šljive bi trebala za rezultat imati dobar odziv i učešće na našem Sajmu u decembru ove godine.

**6. Sajam poljoprivrede „Interagro 2010” Bijeljina održan 16-19.09.2010.g**

Sajam je održan na površini oko 7000m<sup>2</sup> sa oko 100-tinjak izlagača iz Srbije, Hrvatske i BiH.

Privredna komora je zajedno sa Područnom Privrednom komorom Bijeljina, a na izložbenom prostoru oko 10m<sup>2</sup> u vidu kompenzacije prostora, predstavila firme iz Brčko distrikta sa reklamnim materijalom. Predstavnici Privredne komore su na ovom Sajmu bili prisutni 3 dana, te obišli izlagače, učesnike Sajma sa ciljem animiranja izlagača za Sajam privrede u decembru u Brčkom.

Na Sajmu su obavljani mnogi kontakti sa privrednicima iz regiona, a sve u pravcu nastavka saradnje i animiranja privrednika za 9-ti Međunarodni Sajam privrede u Brčkom. Ovaj vid učešća Privredne komore na Sajmu „Interagro” Bijeljina je rezultat dugogodišnje saradnje sa Privrednom komorom Bijeljina i njihovim učešćem na brčanskim sajamovima.

**7. 86. jesenski međunarodni zagrebački velesajam održan je od 22-26.09.2010.-godine**

Privredna komora je po prvi put ostvarivši saradnju sa zagrebačkim velesajmom uzela učešće na ovom Sajmu, te zakupila štand od 20m<sup>2</sup> u paviljonu široke potrošnje, gdje su se predstavile zemlje Kine, Indonezije, Egipta, Poljske itd. Na štandu od 20m<sup>2</sup> Privredna komora je predstavila zainteresovane brčanske firme poput: Luka, Termoelektro, Briž, Biljana, Bosnaplod, Grafam itd. Zemlja partner ove godine je bila R. Kina.

Predstavnici Privredne komore su na štandu boravile 4 dana. U toku trajanja Sajma obavljani su mnog kontakti sa firmama iz inostranstva, te ova posjeta je pokazala pozitivan rezultat zbog odziva privrednika iz Hrvatske na Sajam u Brčkom.

**8. 8. Međunarodni ekološki Sajam „EKOBIS” 2010-Bihać održan u periodu od 02-05.10.2010.g**

Privredna komora Brčko distrikta BiH je na vrijeme kao i svake godine uz kompenzaciju prostora okupila zainteresovane privrednike za učešće na Sajmu „EKOBIS” u Bihaću na 14m<sup>2</sup>. Sajam je i ove godine imao već dogovorene prateće sadržaje i radionice, Okrugle stolove, organizovane zabavne večeri itd. Predstavnici Privredne komore su Sajmu prisutvovali 4 dana, te obavili razgovore sa potencijalnim izlagačima na brčanskom Sajmu. Takođe smo prisustvovali i prezentaciji „Dani ludaje” u organizaciji Opštine, Turističke zajednice i Regionalne Privredne komore Kikinda gdje se razgovaralo o saradnji i učešću Kikinde na Sajmu privrede u Brčkom i posjeti Kikindi za vrijeme „Dana ludaje” u oktobru. Posjeta Sajmu „EKOBIS” u Bihaću je rezultat dugogodišnje saradnje sa Privrednom komorom Unsko-sanskog kantona i njihovim učešćem na predhodno održanim Sajmovima u Brčkom.

Predstavnici Privredne komore Unsko-sanskog kantona su takođe uzvratili posjetu učešćem na brčanskom Sajmu. Odlazak predstavnika Privredne komore Brčko distrikta i firmi koje su se predstavile na 8. Međunarodnom Sajmu „EKOBIS” u Bihaću pokazao je dobar način predstavljanja privrednika Brčko distrikta našem okruženju.

**9. 17. generalni BH Sajam „ZEPS 2010” i 7. Međunarodni Sajam metala „ZEPS” Intermetal Zenica održan 05.10.-10.10.2010.godine.**

U tih šest dana trajanja Sajma, Sajam je posjetilo veliki broj posjetilaca iz BiH i susjednih zemalja, a zemlja partner Sajmu je ove godine bila Crna Gora. Na Sajmu se predstavilo 450 izlagača iz 25 država. Privredna komora je po prvi put uzela učešće na ovom Sajmu, te zakupila prostor od 23m<sup>2</sup> u hali A, gdje su se pored crnogorskih firmi predstavile i kolektivne izložbe Slovenije, ZE-DO kantona i komorski sistem BiH.

Privredna komora je na svom štandu predstavila zainteresovane brčanske firme, te su obavljani kontakti sa izlagačima zbog animiranja privrednika za brčanski Sajam. Posjeta ovom Sajmu je za rezultat imala dobar odziv od strane organizatora zeničkog Sajma na Sajmu privrede „Brčko 2010”.

**10. 9. Međunarodni sajam privrede „Brčko 2010” održan od 01-04.12.2010.godine.**

I ove godine održan je 9. Međunarodni Sajam privrede, „Brčko 2010” u periodu od 01-04.12.2010.godine, a u organizaciji Privredne komore Brčko distrikta BiH i uz pokroviteljstvo Vlade Brčko distrikta i Vanjskotrgovinske komore BiH, a Sponzor Sajmu i ove godine je bila firma Antunović doo iz Brčkog. Na Sajmu je učestvovalo preko 250 izlagača iz BiH, Srbije, Hrvatske, Slovenije i posjetiocima su ponudili veliki izbor proizvoda iz oblasti metalne, tekstilne, prehrambene i drugih industrijskih grana, kao i različite proizvode iz oblasti male privrede. Sajam je održan u montažnim objektima na prostoru oko 3.500m<sup>2</sup> unutrašnjeg prostora i 1.000m<sup>2</sup> vanjskog prostora. Sajam i sajamske aktivnosti su propratile mnoge medijske kuće kao što su RTV HiT, Radio Brčko, RTRS, FTV, TVTK, TV BDC....

Procjene organizatora su da je Sajam tokom četverodnevno trajanja posjetilo oko 20.000 posjetilaca iz Brčkog i okruženja. U godini svjetske ekonomske krize i pada posjete, učesnika i izlagača prestižnih Sajmova u BiH, ovogodišnji Sajam u Brčkom je rekordan po broju izlagača i gabaritima sajamskog prostora.

U toku trajanja Sajma kao prateći sajamski sadržaji održano je više konferencija, Okruglih stolova na razne teme interesantne i aktualne za izlagače i posjetioce, što je poboljšalo kvalitet ovog Sajma, od koji između ostalih sadržaja ističemo:

- sastanak Odbora grupacije Sajmova u BiH
- strategija razvoja Brčko distrikta BIH
- forum predsjednika Komora, konferencija komorskih predstavnika(VTK BiH, ŽGK Bjelovar, PK RS, PK BN, PK BD itd)
- proizvodnja zdrave hrane i cerifikacija
- prezentacija Brze pošte, Pošta RS-a
- „unapređenje konkurentnosti MSP u BiH” u saradnji sa razvojnom agencijom Nerda
- promocija turističko-nautičkog Atlasa rijeke Save zajedničkog projekta Komora, BiH, Srbije, Hrvatske i Slovenije.
- organizovani prijem izlagača kod gradonačelnika i predsjednika Skupštine Brčko distrikta BiH
- sajamske hronike
- medijske prezentacije
- prezentacije inovatora BiH itd.

Po završetku Sajma uručene su i nagrade najboljima i to:

Nagradu za menadžera godine dobio je Ilija Stjepanović, vlasnik firme Termoelektro doo iz Brčkog.

Nagradu za najbolji uređen štand dobila je firma „JP Komunalno Brčko”, „ŽGK-Županijska komora Osijek” i firma „Briž” doo iz Brčkog.

Nagradu za doprinos u turizmu su dobila tri Udruženja žena iz Brčkog, turistička zajednica ZE-DO kantona i turistička zajednica TK kantona.

Nagradu za najposjećeniji štand je dobila firma „Oris” iz Brčkog, turistička zajednica grada Županje i firma Bimal dd iz Brčkog.

Nagradu za najorginalniju prezentaciju dobilo je Odjeljenje za obrazovanje, Brčko( Ekonomska, Poljoprivredna i Medicinska, Tehnička škola), firma Elit debejki iz Brčkog i firma APS doo iz G.Rahića.

Nagradu za pokroviteljstvo dobila je Vlada Brčko distrikta i Vanjskotrgovinska komora BiH.

Nagradu za sponzorstvo dobila je firma Antunović doo iz Brčkog.

Sajam je ocijenjen pozitivnim i izuzetno uspješnim od strane organizatora i Vlade Brčko distrikta, uz činjenicu da je neophodno obezbjediti bolje uslove za održavanje Sajma, određivanjem i uređenjem lokacije Sajmišta.

Sa ovim Sajmom Brčko distrikt dobija sve veću popularnost među privrednicima i Privrednim komorama, kako u BiH, tako i u cijeloj regiji.

Vlada Brčko distrikta BiH je u Strategiji razvoja Distrikta isplanirala i izgradnju sajamskog prostora, što će doprinjeti da Brčko distrikt BiH preraste u veliki centar Sajma privrede.

Izvještaj sačinila: Ankica Milenković